

# Dörfligeischer 2018

70 Jahr (1948-2018)

Syt 70 Jahr geischtere mir Geischer umenang,  
Tüe Värslu boue, Wage brünzle u süsch no auerhang,  
Ou Kostüm schmiede u Biuder nähje mir jedes Jahr,  
Zeige u trage öich das gäng ar Fasnacht vor,  
Jo mir si d Madretscher Dörfligeischer,  
Syt 70 Jahr si mir jedes Jahr derby,  
Jo mir si d Madretscher Dörfligeischer,  
Mir chönnte ohni Fasnacht gar nid sy !

Im Summer chasch uf der Esplanade mit em Grossching chlei go chosle,  
Oder es Papierschiffli über die riese Glunggene blose,  
Im Winter chasch uf der Ischplanade - schlööfle - "Yes thats fun" ,  
Gmeindrät hesch dört säute gseh - us Angscht ds Isch sig z' dünn !

Dä Winter hät me i üsere Stadt ä Wäutcup-Slalom chönne mache,  
Vom Vorhöuzli obenabe, de über d' Mettstross - müesst jetz gar nid lache,  
Gschiteret isch's nid wäge zweni Schnee das chöit Dir üs gloube,  
D' FIS tuet eifach als Slalomstange keni Verkehrsampel erloube !

Die Rassismus-Norm, das isch e Witz, isch total übertriebe,  
Mohrechöpf u Zigünerschnitzu wärde als Wort vertrybe,  
Mir finge das alles total ga-ga, das tuet dernäbe zile,  
S' chunnt no sowit, dass nur no mit wysse Figure Schach darfsch spile !

Vo Buschang uf Brügg het's zwöi Outobahntunnäu,  
Wem me ineahunnt wird's dunku we me useahunnt wird's häu,  
Verlosch d'Outobahn de z'Brügg wosch grad wieder uf Buschang zrügg,  
Wüu dört "Non de Dieu" chli weniger Slalomstange stöh !

Trump-Trump-trumperidi - dä Donald Duck isch jo immer no derbi,  
Wär hät das dänkt das dä Fettnäpfli-Trumpi  
Ou nach em ne Jahr no aus Presi umegumpi,  
Trump-Trump-trumperidi - wenn isch dä Spuk ändlech verbii !

Ä Zürcher Schofför, ganz dürenang, hei mir zmitts in Biel atroffe,  
Är seit zu üs: " Das glaubsch du nöd, ich bi doch wüerkli nöd bsoffe,  
Jetzt händ ir sone tolli Äutobahn, ganz underem Bärg verschwunde,  
Ha überall Hiiwiis-Schilder gsuecht, ha se wüerkli niene gfunde !

Der Abu Ramadan, jo dä vo Nidou,  
Wätteret gäg d Chrischte wie ne Wildsou,  
Chönnt sicher in Arabia, wie ne Star äs Läbe ha,  
Wott lieber i der Schwyz ganz gross schmarotza !

La signalisation de l'autoroute est seulement en allemand,  
Pour cela monsieur Nemitz n'est vraiment pas content,  
Cher Cédric, ne fais pas la tête, denn das do hei mir gseh:  
Le marquage du palais des congrès est seulement en français !